

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona" broj 7/10) i člana 13. stav 2. Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona" broj 4/97, 15/97, 6/01 i 8/10), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 136. sjednici, održanoj dana 21.11.2013. godine,
d o n o s i

ZAKLJUČAK

I.

Daje se saglasnost na Program rada Agencije za privatizaciju Zeničko-dobojskog kantona za 2013. godinu.

II.

Program iz tačke I. sastavni je dio ovog zaključka.

III.

Zaključak stupa na snagu danom donošenja.

Broj: 02-_____ /13.

Datum, 21.11.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Agencija za privatizaciju Zeničko-dobojskog kantona-Upravni odbor,

1x Agencija za privatizaciju Zeničko-dobojskog kantona,

1x a/a.



PROGRAM RADA

Agencije za privatizaciju Zeničko-dobojskog kantona
za 2013. godinu

Handwritten signature

Zenica, oktobar 2013. godine

I- UVOD.....	3
II- CILJEVI	4
2.1. AKTIVNOSTI KOJE SE PLANIRAJU PODUZETI ZA OSTVARENJE UTVRĐENIH CILJEVA	5
2.2. OČEKIVANI REZULTATI	6
III- NORMATIVNE AKTIVNOSTI	7
IV- STUDIJSKO-ANALITIČKI DIO	7
V- OSTALI POSLOVI I ZADACI	7
VI- PROCJENA FINANSIJSKIH SREDSTAVA	8
PRILOG 1.- TABELE OD 1-5	

zh.
L

- UVOD

Agencija za privatizaciju Zeničko-dobojskog kantona (u daljem tekstu: Agencija) osnovana je Zakonom o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10). Shodno odredbama člana 2. navedenog Zakona, Agencija ima status pravnog lica i predstavlja specijaliziranu organizaciju Zeničko-dobojskog kantona.

Djelatnost Agencije je obavljanje stručnih i drugih poslova u vezi s privatizacijom. Temeljem odredaba člana 6. navedenog Zakona, Agencija vrši odobravanje, sprovođenje, organizovanje, nadziranje i podsticanje privatizacije preduzeća sa prostora Zeničko-dobojskog kantona u njenoj nadležnosti.

U vezi sa privatizacijom preduzeća, odredbama stava 2. istog člana, taksativno su nabrojana ovlaštenja Agencije, među kojima, su odobravanje programa privatizacije i početnog bilansa stanja, odlučivanje o načinu i sprovođenju postupka privatizacije, utvrđivanje povoljnijih uslova prodaje i plaćanja za preduzeća koja se ne privatiziraju saglasno načinu i uslovima određenim kod odobravanja programa privatizacije.

Program rada Agencije donosi Upravni odbor Agencije za privatizaciju Zeničko-dobojskog kantona u skladu sa odredbama člana 13. stav 1. alineja 1. Zakona o Agenciji za privatizaciju Zeničko-dobojskog kantona, na koji u skladu sa odredbama stava 2. istog člana Zakona, saglasnost daje Vlada Zeničko-dobojskog kantona.

II - CILJEVI

Agencija je, u zavisnosti od ekonomskih i socijalnih kretanja u društvu, te uočenih trendova u oblasti privatizacijskih poslova, definisala programske ciljeve koje planira izvršiti u toku 2013. godine. Na dan 31.12.2012. godine, Agencija u Registru preduzeća ima 52 privredna subjekta koji se vode kao neprivatizirana preduzeća na prostoru Zeničko-dobojskog kantona (**Prilog 1.**), od kojih:

- 6 Veterinarskih stanica, (Tabela broj 1. *Priloga 1.* – Tabele od 1-4)
- 24 Javna komunalna preduzeća, (22 JKP, RTV Zenica i RTV Visoko),
3 „Ostala preduzeća“, odnosno preduzeća sa većinskim državnim kapitalom, (Tabela broj 2. *Priloga 1.* – Tabele od 1-4)
- 4 Preduzeća, čija je prodaja moguća nakon raskida ugovora, (Tabela broj 3. *Priloga 1.* – Tabele od 1-4)
- 15 Preduzeća u postupku stečaja; (Tabela broj 4. *Priloga 1.* – Tabele od 1-4)

Na osnovu svestranog sagledavanja aktuelne situacije u vezi sa privatizacijom, Programski ciljevi¹ Agencije su:

- 1) Nastavak privatizacije veterinarskih stanica i prodaja imovine preduzeća, čiji je rok za okončanje 25.11.2013. godine. Ovaj rok je utvrđen Odlukom o izmjenama Odluke o neposrednoj pripremi i provedbi male privatizacije („Službene novine Federacije BiH“, br. 77/10), kojom su stvorene pretpostavke za vršenje prodaje imovine preduzeća u slučajevima gdje su se stekli uslovi;
- 2) Privatizacija ostalih preduzeća koja su ostala na listi preduzeća sa državnim kapitalom, imajući u vidu realne mogućnosti, odnosno pretpostavke;
- 3) Učešće u pripremi privatizacije javnih komunalnih preduzeća ;
- 4) Nastavak vođenja sudskih postupaka proisteklih iz poslova privatizacije;
- 5) Okončanje postprivatizacijskog statusa za privatizirana preduzeća koja se u Registru Agencije vode kao aktivni predmeti (Tabela broj 5., *Prilog broj 1.*);
- 6) Nastavak aktivnosti na dosljednom provođenju Anex-a G Sporazuma o pitanjima sukcesije, u saradnji sa nadležnim državnim institucijama, na naplati finansijskih potraživanja, te povrata imovine Zeničko-dobojskog kantona u pređašnje stanje;
- 7) Objektivno, blagovremeno i potpuno informisanje javnosti o svim aktivnostima Agencije;
- 8) Kompletno arhiviranje i skeniranje dokumentacije po privatizacijskim predmetima;

¹ U okviru Programa rada Vlade Zeničko-dobojskog kantona za 2013. godinu, pri definisanju strateškog cilja, pod tačkom 1. alineja 5. „Makro stabilnost“, navedene su mjere „... nastaviti sa privatizacijom preduzeća iz strateških sektora i komunalnih djelatnosti.“ Naglašavamo da Agencija za privatizaciju Zeničko-dobojskog kantona u svom Registru preduzeća/predmeta ima 22 javna komunalna preduzeća, kao i da raspolaže sa informacijama sa stanjem radne snage i kapitala u tim preduzećima, sa 31.12.2010. godine. U skladu sa tačkom 5. člana 4. (Sadržaj i format godišnjeg programa) Odluke o metodologiji izrade i donošenja programa rada i izvještaja o radu Vlade Zeničko-dobojskog kantona, kantonalnih organa uprave i kantonalnih upravnih organizacija, u konkretnom slučaju, privatizacija javnih komunalnih preduzeća je izostavljena iz seta programskih ciljeva Agencije za privatizaciju Zeničko-dobojskog kantona, obzirom da je potrebno zakonski definisati javno dobro, dobro od opšteg interesa, donošenjem zakonskih odredbi od strane viših instanci na nivou Federacije BiH, kako je to definisano Zaključkom Vlade ZDK-a, broj: 02-34-14290/07 od 31.05.2007. godine.

2.1. Aktivnosti koji se planiraju poduzeti za ostvarenje utvrđenih ciljeva

2.1.1. Planirane aktivnosti

- Saradnja sa resornim ministarstvima i nadležnim općinskim strukturama iz njihove nadležnosti, po pitanju stručnih i drugih poslova u vezi sa privatizacijom, (*nosilac aktivnosti* – Agencija za privatizaciju; *rok*: stalni zadatak)
- Ostvarivanje neposrednih kontakata sa nadležnim organima preduzeća, kao i nadležnim općinskim tijelima za imovinsko-pravne poslove, u pogledu pokretanja postupka za upis nekretnina i prava nad nekretninama u vlasništvu preduzeća, u skladu sa odredbama člana 6. stav 2. Uredbe o upisu u javne knjige nekretnina i prava na nekretninama u postupku privatizacije („Službene novine Federacije BiH“, br. 45/99 i 48/00) (*nosilac aktivnosti* – Agencija za privatizaciju; *rok*: stalni zadatak)
- Pripreme za donošenje Rješenja o odobravanju Početnog bilansa stanja i Programa privatizacije za tzv. „veliku privatizaciju“, odnosno Prospekta, za tzv. „malu privatizaciju“, (*nosilac aktivnosti* – Agencija za privatizaciju; *rok*: stalni zadatak)
- Ažuriranje ranije donesenih Rješenja o odobravanju Početnog bilansa stanja i Programa privatizacije, obnovljenim podacima, (*nosilac aktivnosti* – Agencija za privatizaciju; *rok*: stalni zadatak)
- Priprema objave javnih poziva za prodaju državnog kapitala, odnosno imovinu preduzeća, (*nosilac aktivnosti* – Agencija za privatizaciju; *rok*: stalni zadatak)
- nastavak aktivnosti na sudskim postupcima proisteklih iz poslova privatizacije, (*nosilac aktivnosti* – Agencija za privatizaciju; *rok*: stalni zadatak)
- Koordiniranje aktivnosti sa Agencijom za privatizaciju u Federaciji BiH u okviru poslova vezanih za pasivni podbilans, do otpočinjanja sa radom Direkcije za upravljanje pasivnim podbilansom preduzeća i banaka, čije je osnivanje propisano odredbama člana 35. b. Zakona o izmjenama i dopunama Zakona o početnom bilansu preduzeća i banaka („Službene novine Federacije BiH“, br.47/06), (*nosilac aktivnosti* – Agencija za privatizaciju; *rok*: stalni zadatak)
- neposredne i posredne kontrole izvršenja obaveza iz kupoprodajnih ugovora, u skladu sa odredbama Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH („Sl. novine Federacije BiH“, br. 52/09 i 5/11). (*nosilac aktivnosti* – Agencija za privatizaciju; *rok*: polugodišnji i godišnji).
- aktivnosti na anex-iranju osnovnih ugovora, sklapanje ugovora o ustupanju prava i obaveza iz osnovnog ugovora na treća lica, obračun i naplata novčanih kazni zbog neizvršenja obaveza iz ugovora, te pokretanje tužbe za raskid ugovora zbog grubog kršenja ugovornih obaveza, (*nosilac aktivnosti* – Agencija za privatizaciju; *rok*: stalni zadatak).
- kompletiranje i elektronsko arhiviranje dokumentacione građe Agencije, (*nosilac aktivnosti* – Agencija za privatizaciju; *rok*: stalni zadatak).
- saradnja sa elektronskim i printanim medijima, te primjena Zakona o slobodi pristupa informacijama u F BiH, (*nosilac aktivnosti* – Agencija za privatizaciju; *rok*: stalni zadatak)

SM
LE

2.1.2. Ostale aktivnosti

1. donošenje upravnih akata u vezi s privatizacijom (rješenja o izboru najpovoljnije ponude, rješenja o odobravanju upisa izvršene privatizacije),
2. pokretanje postupka upisa nekretnina i prava na nekretninama kojim raspolažu preduzeća,
3. vođenje evidencije i arhiviranje ugovora o kupoprodaji stanova nad kojima postoji stanarsko pravo, na osnovu Zakona o prodaji stanova na kojima postoji stanarsko pravo („Službene novine Federacije BiH“, br. 27/97 – 36/06),
4. zvještavanje nadležnih organa u skladu sa čl. 19. Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH („Službene

- novine Federacije BiH“, br. 52/09, 5/11),
5. polugodišnje i godišnje izvještavanje Agencije za privatizaciju u Federaciji BiH,
 6. izvještavanje organa Agencije za privatizaciju Zeničko-dobojskog kantona (Upravni i Nadzorni odbor) o stepenu izvršenja obaveza iz kupoprodajnih ugovora,
 7. izdavanje uvjerenja o izvršenju obaveza iz kupoprodajnih ugovora,
 8. izdavanje rješenja na osnovu Zakona o slobodi pristupa informacijama u Federaciji BiH.

2.2. Očekivani rezultati

Agencija u 2013. godini, realno očekuje da će, nakon prijave preduzeća, pristupiti objavi javnih poziva za prodaju kapitala ili imovine preduzeća, u skladu sa odredbama Pravilnika o postupku prodaje imovine i dionica ili udjela preduzeća („Službene novine Federacije BiH“, br. 28/05, 53/07 i 76/09) i to:

- 1) ponovna objava javnog poziva za privatizaciju Veterinarske stanice Žepče, a za ostale, ukoliko se steknu uslovi,
- 2) objava javnih poziva za prodaju imovine preduzeća TP „Nova trgovina“ d.d. Žepče, „Velepromet-Maloprodaja“ d.d. Visoko; Robna kuća „VEMA“ Visoko, i četiri (4) poslovna prostora u Varešu,
- 3) objava javnih poziva za prodaju dionica preduzeća; „RMK“ Promet d.d. Zenica, „Nova trgovina“ d.d. Žepče,

Za gore navedene predmete, Agencija u 2013. godini očekuje uspješnu prodaju i zaključenje kupoprodajnih ugovora u slučajevima u kojima su ispoštovani uslovi i kriteriji iz javnog poziva od strane prijavljenih ponuđača.

- Poseban domen rada Agencije u 2013. godini obuhvatat će, nastavak aktivnosti na sudskim postupcima, proisteklim iz poslova privatizacije.
- U 2013. godini, Agencija će, aktivnosti usmjeriti na kontroli izvršenja ugovorenih obaveza od strane kupaca, u skladu sa odredbama Pravilnika o obavljanju kontrole, za ukupno 7 kupoprodajnih ugovora, od čega 4 iz tzv. „velike privatizacije“ i 3 iz tzv. „male privatizacije“ (mala preduzeća).
- Provodeći Zaključak Vlade Zeničko-dobojskog kantona, broj: 02-14-31782/11 od 06.12.2011. godine, kojim je pokrenuta Inicijativa za poduzimanje aktivnosti i mjera u cilju obeštećenja za potraživanja iz pasivnog podbilansa, Agencija će u 2013. godini, nastaviti aktivnosti u saradnji sa Agencijom za privatizaciju u Federaciji Bosne i Hercegovine usmjerene prema državnim institucijama, na rješavanju problematike pasivnog podbilansa, s aspekta nepoštivanja Sporazuma o pitanjima sukcesije Anex G. Zbog važnosti problematike pasivnog podbilansa, državni organi su već pokrenuli aktivnosti prema subjektima koji imaju aktivnu legitimaciju za zaštitu i ostvarivanje prava iz pasivnog podbilansa, a to su Agencija za privatizaciju u Federaciji Bosne i Hercegovine i Vlada Federacije Bosne i Hercegovine, prevashodno na uspostavljanju Direkcije za upravljanje pasivnim podbilansom preduzeća i banaka u Federaciji Bosne i Hercegovine, te istrajavanjem na potpisivanju Preporuke broj 5. Vlada država sljednica SFRJ za efikasnu provedbu Anex-a G, kojom se preporučuje vladama država sukcesora da donesu akta koja će omogućiti efikasnu implementaciju standarda utvrđenih u Anex-u G. Agencija za privatizaciju Zeničko-dobojskog kantona očekuje skoro formiranje Direkcije za upravljanje pasivnim podbilansom preduzeća i banaka, kako bi se poslovi na pasivnom podbilansu istoj ustupili.
- Kompletiranje 80% dokumentacione građe nastale iz osnovne djelatnosti Agencije u Centralni

arhiv Agencije, kako bi ista omogućila efikasno provođenje revizije privatizacije državnog kapitala u privrednim društvima iz nadležnosti ove Agencije.

Blagovremeno informisanje svih ciljnih segmenata javnosti putem medija, dosljedna primjena Zakona o slobodi pristupa informacijama u F BiH

III - NORMATIVNE AKTIVNOSTI

3.1. Finansijski plan Agencije za privatizaciju Zeničko-dobojskog kantona za 2013. godinu

Nosilac izrade: Agencija za privatizaciju Zeničko-dobojskog kantona

Predlagač: Upravni odbor Agencije za privatizaciju ZDK-a

Pravni osnov: sadržan u članu 13. stav 1. alineja 1. tačka d), Zakona o Agenciji za privatizaciju ZDK-a ("Službene novine Zeničko-dobojskog kantona", broj: 4/97, 15/97, 6/01 i 8/10)

Razlozi za donošenje: Radi ostvarivanja djelatnosti Agencije za privatizaciju ZDK-a iz članova 4.-6. Zakona o Agenciji za privatizaciju Zeničko-dobojskog kantona.

Postupak donošenja: Na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona daje saglasnost na Finansijski plan Agencije za privatizaciju ZDK-a,

Rok: mart 2013. godine

IV – STUDIJSKO-ANALITIČKI DIO

4.1. Program rada Agencije za privatizaciju Zeničko-dobojskog kantona za 2013. godinu

Nosilac izrade: Agencija za privatizaciju Zeničko-dobojskog kantona

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 1. tačka d), Zakona o Agenciji za privatizaciju ZDK-a ("Službene novine Zeničko-dobojskog kantona", broj: 4/97, 15/97, 6/01 i 8/10)

Razlozi za donošenje: izvršenje zakonske obaveze

Postupak donošenja: Na prijedlog Upravnog odbora Agencije za privatizaciju ZDK-a, Vlada Zeničko-dobojskog kantona, daje saglasnost na Program rada Agencije za privatizaciju ZDK-a

Rok: mart 2013. godine

4.2. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2012. godinu.

Nosilac izrade: Agencija za privatizaciju Zeničko-dobojskog kantona,

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK-a ("Službene novine Zeničko-dobojskog kantona", broj: 4/97, 15/97, 6/01 i 8/10)

Razlozi za donošenje: izvršenje zakonske obaveze

Postupak donošenja: Na prijedlog Upravnog odbora Agencije, Vlada ZDK-a razmatra Izvještaj

Rok: mart 2013. godine

V- OSTALI POSLOVI I ZADACI

5.1. Izvještaj o ostvarenim prihodima i izdacima AP ZDK za period januar-mart 2013.g.

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u članu 5. alineja 4. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01 i 8/10)

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: april 2013. godine

5.2. Izvještaj o izvršenju Finansijskog plana AP ZDK za period januar-juni 2013. godine i obrasci za izradu periodičnog izvještaja

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK („Službene novine Zeničko-dobojskog kantona“, broj: 4/97, 15/97, 6/01 i 8/10), i čl. 44. stav 6. Zakona o računovodstvu i reviziji u F BiH („Službene novine F BiH“, broj: 83/09)

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: 31.07. 2013. godine

5.3. Izvještaj o izvršenju Finansijskog plana Agencije za privatizaciju ZDK za period januar-septembar 2013. godine

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u čl. 13. stav 1. alineja 2. Zakona o Agenciji za privatizaciju ZDK („Službene novine Zeničko-dobojskog kantona“, broj: 4/97, 15/97, 6/01 i 8/10),

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: 30.09.2013. godine

5.4. Izvještaj o izvršenju Finansijskog plana za period januar-decembar 2013. godine i obrasci godišnjeg obračuna

Nosilac izrade: Agencija za privatizaciju ZDK

Predlagač: Agencija za privatizaciju ZDK


Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK („Službene novine Zeničko-dobojskog kantona“, broj: 4/97, 15/97, 6/01 i 8/10), i član 44. stav 6. Zakona o računovodstvu i reviziji u F BiH („Službene novine F BiH“, broj: 83/09)

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: 28.02.2014. godine

VI – PROCJENA FINANSIJSKIH SREDSTAVA

Za realizaciju Programa rada Agencije za privatizaciju Zeničko-dobojskog kantona za 2013. godinu potrebna su finansijska sredstva cca. 100.000 KM, koja će biti planirana u Finansijskom planu Agencije za privatizaciju Zeničko-dobojskog kantona za 2013. godinu.



DIREKTOR

Nurudin Smajlagić, dipl.ecc.

PRILOG 1 – Tabele od 1 - 5

NEPRIVATIZIRANA PREDUZEĆA

Tabela broj 1. Neprivatizirane veterinarske stanice (čl.3. ZPP)

R.br.	Veterinarska stanica	Plan privatizacije u 2013. godini
1.	JP „Veterinarska stanica“ Žepče	planirana ponovna prodaja
2.	JP „Veterinarska stanica“ Olovo	ako se steknu uslovi
3.	JP „Veterinarska stanica“ Maglaj	ako se steknu uslovi
4.	JP „Veterinarska stanica“ Vareš	ako se steknu uslovi
5.	JP „Veterinarska stanica“ Visoko	ako se steknu uslovi
6.	JP „Veterinarska stanica“ Breza	ako se steknu uslovi

Tabela broj 2. Neprivatizirana preduzeća sa većinskim državnim kapitalom

RB	Naziv i općina	Privatizacijski status
1.	„Velepromet-Maloprodaja“ d.d. Visoko	U toku prodaja imovine putem male privatizacije, u skladu sa Odlukom Upravnog odbora APF-a, nakon čega će uslijediti usvajanje PBS-a i PP-a, kao preduslov za prodaju preduzeća u cjelosti.
2.	„RMK-Promet“ d.d. Zenica	40% kapitala u privatnom vlasništvu, 60% u državnom vlasništvu.
3.	TP „Nova trgovina“ d.d. Žepče	Doneseno je Rješenje o odobravanju PBS, nije utvrđen metod prodaje, čime je omogućeno usklađivanje društva sa Zakonom o privrednim društvima. Agencija je uputila zahtjev za dostavu PBS i PP.

Tabela broj 3. Neprivatizirana preduzeća-raskinut kupoprodajni ugovor

R. br.	Naziv i općina	Privatizacijski status
1.	„DTS-Trgovina BiH“ Zenica	49% kapitala privatizovano javnim upisom dionica. 51% kapitala bilo predmetom privatizacija koja je okončana raskidom ugovora. Preduzeće iskazuje gubitak iznad visine kapitala. Za nekretnine koje se vode u knjigama preduzeća vodi se sudski spor
2.	„ŽGP-Zenica“ dd Zenica	Ugovor o kupoprodaji 67% državnog kapitala je raskinut. U toku je sudski postupak po tužbi Agencije i ZE-DO kantona za poništenje dokapitalizacije.
3.	„Autotrans“ dd Vareš	Jednostrano raskinut ugovor od strane Agencije za privatizaciju ZDK, u toku je postupak vraćanja dionica u vlasništvo Vlade Zeničko-dobojskog kantona.
4.	„Gradska pekara“ dd Zavidovići	Jednostrano raskinut ugovor od strane Agencije za privatizaciju ZDK, u toku je postupak utvrđivanja stanja na kapitalu koje je bilo predmet kupoprodaje.

Tabela broj 4. Neprivatizirana preduzeća-stečajni postupak

R. br.	Naziv i općina	Privatizacijski status
1.	GD „Sretno“ d.d. Breza	49% kapitala privatizovano, 51% kapitala nakon raskida Ugovora ponovo u državnom vlasništvu, pokrenut stečajni postupak, broj: St-18/06
2.	PD „Polet“ Kakanj	Na javni poziv za prikupljanje ponuda za prodaju državnog kapitala metodom tendera, nije bilo prijava. Pokrenut stečajni postupak, br. St-16/06
3.	ŠIP „Stupčanica“ Olovo	Obustavljen postupak prodaje 51% ukupnog kapitala. Vlada ZDK-a formirala RJ Šumarstvo. Otvoren stečajni postupak, broj: St-7/07
4.	DIP „Zvijezda“ Vareš	40% privatno vlasništvo, 60% državni kapital. Neuspjela prodaja neposrednom pogodbom. Pokrenut stečajni postupak, broj: St-1/05.
5.	„Bistrica“ d.d. Žepče	49% kapitala privatizovano JUD, a privatizacija 51% kapitala metodom neposredne pogodbe, neuspješna. Zaključen stečajni postupak, broj: St-6/06
6.	„Dom štampe“ d.d. Zenica	Nije izdato uvjerenje o izmirenim obavezama, u međuvremenu otvoren stečaj, broj: St-17/06
7.	JKP „Bioštica“ Olovo	Čl. 3. Zakona PP, pokrenut stečaj, broj: St-13/06
8.	„Trudbenik“ Matuzići	Nije usvojen PBS i PP, okončan stečajni postupak.
9.	D.P. „Pilana“ Kakanj	Pokrenut stečaj St-1/08. Okončan stečaj.

10.	„Stolarija“ d.d. Zenica	33% kapitala privatni, 67% kapitala je državni, koji je bio predmet privatizacije neposrednom pogodbom. U sudskom postupku, raskinut kupoprodajni ugovor. Dana 05.03.2009. g., otvoren stečajni postupak, u predmetu broj: St-16543/09.
11.	„Promet“ d.d. Olovo	40,29% kapitala privatni, 59,71% kapitala je državni, koji je bio predmet privatizacije metodom tendera. U sudskom postupku, raskinut kupoprodajni ugovor, u međuvremenu nad imovinom preduzeća otvoren stečajni postupak u predmetu broj: St-9/08.
12.	„Inpek“ dd Zenica	33% kapitala privatni, 67% kapitala je državni, koji je bio predmet privatizacije metodom tendera. U sudskom postupku, raskinut kupoprodajni ugovor, u međuvremenu nad imovinom preduzeća otvoren stečajni postupak u predmetu br. 22092-9/09.
13.	„Bosnagraf“ dd Visoko	Općinski sud u Zenici je 08.10.2012. godine donio Rješenje o otvaranju stečajnog postupka
14.	„Mesopromet“ d.o.o. Doboj-Jug	Otvoren stečaj 29.05.2013 .godine
15.	JKP „USORA“ d.o.o. Sivša	Stečaj otvoren dana 14.07.2010. godine

Tabela broj 5. - Aktivni ugovori na dan 31.12.2012. godine

Aktivni ugovori na dan 31.12.2012. godine		
„velika preduzeća“		
R.B.	br. ugovora.	Predmet prodaje
1.	MT-01	“TCK” Kakanj
2.	T-21-01	“KIMO” Zenica
3.	NP-96	“Krivaja” Žepče
4.	T-32-01	“Velepromet-Zenica “ Zenica
„mala preduzeća“		
5.	T-45	J.P. “Veterinarska stanica “ d.o.o. Kakanj
6.	T-46	J.P. “Veterinarska stanica “ Zenica d.o.o.
7.	NP	J.P. “Veterinarska stanica “ Tešanj d.o.o.